



UNIVERSITÄTS-
BIBLIOTHEK
PADERBORN

Universitätsbibliothek Paderborn

Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1844

CVI. Erzbischof Albrecht von Magdeburg verleiht nach dem Tode des Grafen Wichmann von Lindow denen von Wulffen ihre früher von dem verstorbenen Grafen besessenen Lehne zu Möckern, im Jahre 1525.

[urn:nbn:de:hbz:466:1-54407](https://nbn-resolving.org/urn:nbn:de:hbz:466:1-54407)

CVI. Erzbischof Albrecht von Magdeburg verleiht nach dem Tode des Grafen Wichmann von Lindow denen von Wulffen ihre früher von dem verstorbenen Grafen besessenen Lehne zu Möckern, im Jahre 1525.

Wyr Albrecht, von gots gnaden der heyligen Romischen kirchen des titels Sancti Petri ad vincula Priester Cardinal, Ertzbischoff zcw Magdeburgk vnd Mentz, Primas vnd des heyligen Romischen Reichs in Germanien Ertzkanzler vnd Churfurst, Administrator des Stifts zcu Halberstadt, Marggraue zcw Brandenburgk, zcw Stettin, Pommern etc., Bekennen öffentlich mit dießem brieffe, das wir vnsern lieben getrewen Wichmann vnd Otten von wulffenn, gebrudere, zcu rechten menlichen lehne geliehen haben vnd leyhen Inen auch in krafft dießs bryeffs hirnach geschriben guther, sfo vns vnd vnsern Stifte Magdeburgk nach todlichem abgange Graue wichmans von Lindaw etc. mitt der herschafft Mogkern vorledigett vnd heimgefallen feindtt, vnd srouil wir daran zcu vorleihen haben, doch vns vnd eynen yderman an seyner gerechtigkeit an schaden, Als nemlich vier vnd dreißig morgen landes, vff Mogkern Margke gelegen, vnd Eyne hufe, auff der Mokerischen Margke gelegen, czwene garthen, der gibtt ein Itzlicher Ein virth Mohn, Ein wische heist die lange Semell, Eynen hoff vor der leder strassen, Eynen freien hoff, vff dem Berge in Mockern gelegen, Eynen freien kohlhoff, hatt der Priester, her wolter gnanth. Item dorczw noch eynen kohlhoff bey dem gelegenn, den Lucas Ecke hatt der Schultze. Zu Luge eyne halbe hufe landes vff Lugen Margke gelegenn, Zcwu hufen landes vff Degener Margke gelegen, zewey vnd zewentzig hufen landes zcw Lutke Stegelitz gelegen. Item die geistlichen lehne zcu Mokern, sfo die von wulffen zcuorleihen haben, als nemlich Sandtt Andreas Altar zcu Mokern in der Pfarckirchen, dorczu gehorn vier hufen landes, vff Luger Margke gelegen, Item Sechs hufen landes vff Mokern vnd Luchawer Margke gelegen, Zcwu hufen landes vff Peinlitzer margke gelegen vnd Eynen wusten hoff vff Peinlitzer Margke gelegen, zcwu hufen landes vff Gimmer Margke gelegen. Item zcu vnser lieben Frawen altar gehornn drey wispel rogken aufs der wasser mohlen, vor Mockern gelegen, sunff hufen landes vff Degenitze Margke gelegen, Ein wische vor Mokern bey vnser lieben Frawen Capellen gelegen, gnanndt die Moritze wische, vnd Ein holtzbleck gelegen Im Luge vor Mockern bey dem Schiltt. Dieselbtigen guther Weichmann vnd Otto von wulffen, gebruder, obgnant nu furbaß von vns vnd vnsern Stifte zcu Magdeburgk zcu rechtem menlichem lehne haben, halten, geruglich besitzen, der auch nutzlich genießen vnd gebrauchen sollen vnd mogen, als menlicher lehen guther recht vnd gewonheit ist, vnd in allermaßen sie die vormals von obgnanten Grauen Weichmann von Lindaw etc. vnd der herschafft Mokern zcu menlichin lehne gehabt vnd gebraucht haben. Zcu vrkund dießs bryeffs vorfiegeltt mitt vnserm anhangenden Ingefiegell, Der geben ist zu halle auff Sandt Moritzburgk, freitags nach Reminiscere, Nach Christi vnserers hern geburdt funfzoechen hundertt darnach im funff vnd zewentzigstem Jhare.

Nach dem Originale des K. Provinzial-Archives zu Magdeburg.